

**INATSISARTUT
OMBUDSMANDIATA
UKIUMOORTUMIK
NALUNAARUTAA
2002**

5. Suliat nalinginnaasumik soqutiginaatillit, inatsiseqartitsiiffiusunut agguataakkat

11.01 – Kalaallit Nunaanni Namminersornerullutik Oqartussat

01. Inunniq isumaginninnermut inatsiseqartitsineq

1 Isumaginninnermi Naammagittaalliuuteqartarfiup suliamik suliaqarnerminik sivisunaarsinera aammalu kalaallit qallunaallu oqaasiinik atuinera.

Isumaginninnermi Naammagittaalliuuteqartarfiup naammagittaalliuummik tigusaqarnerminik aatsaat qaammatit marlungajaat qaangiuttut upernarsaasimanera naammagittaalliuuteqartarfullu suliami pineqartumi aalajangiinerata allaganngorlugu qallunaatut kalaallisullu ataatsikkut naammagittaalliorumut nassiunneqarsimannginnera Ombudsmandip isornartorsiorpaa. Kiisalu isornartorsiorneqarpoq aalajangiinerup kalaallisunngortillugu nutserneqarneranut naammagittaalliuuteqartarfiup qaammatit qulingiluangajaat atorsimammagit, tamatumunngalu atatillugu naammagittaalliuuteqartarfiup nutserisoqarfimmi sulusussaqarnikkut pissusiusut pillugit naammagittaallioroq paasisutississimannngimmagu.

Aammattaaq Isumaginninnermi Naammagittaalliuuteqartarfiup matuminnga ilisimatinnissaanut Ombudsmandip pissutissaqarsoora, aalajangiinernik nutserisarneq innuttaasunullu nassiussisarneq pillugit naammagittaalliuuteqartarfiup siunissami allanguissamaarneri inatsisitigut pissutsinut, Kalaallit Nunaanni Namminersornerullutik Oqartussat pisortat oqartussaasuisa kalaallit qallunaallu oqaasiinik atuinerannut atuuttussatut naatsorsuutigisaannut akerliujumaartut. (J. nr. 11.05.09.04/085-00)

A uannut 7. september 2000-imi saaffiginnippoq, piffissaq naammagittaalliuutimi suliarineqarneranut Isumaginninnermi Naammagittaalliuuteqartarfiup atugaa kiisalu naammagittaalliuuteqartarfimmit tusagaqanngiluinnersimani naammagittaalliuutiginiarlugit.

Tamatuma kingorna 11. september 2000-imi aalajangerpunga A-p saaffiginninneranut atatillugu misissuinermik aallartitsiniarlunga.

Suliap allaaserineqarnera:

A uannut 7. september 2000-imi saaffiginnippoq, suliap imminut tunngasup sumut killinnea paasiniarlugu. Pineqartup saaffiginnissutaanut atatillugu allakkiara imaappoq:

”A Atorfeqarfimmut 7. septemberimi saaffiginnissimavoq, suliap imminut tunngasup sumut killinera paasiniarlugu. A sianerfigaara, tassami naammagittaalliuut pillugu suliamik Atorfeqarfik ingerlataqarnersoq takusinnaannginnakku. A oqarpoq suliaq averusernermut tungassuteqartoq, taamaattumillu A Naalagaaffiup Sinnisoqarfianut saaffiginneqqullugu innersuuppara (tamanna 1999-imi oktoberip qaamma-taani pineqartumut aamma ilitsersuutigaara).

A-li Isumaginninnermi Naammagittaalliuuteqartarfimmut 1999-imi augustip qaammataani naammagittaallioramili tassannga tusagaqarsimannginnini naammagittaalliuutiginiarpaa. Naammagittaalliuutip tiguneqarneranut uppernarsaammik aamma tigusaqarsimanngilaq.

A oqarfigaara saaffiginnissutaa piffissaq pineqartup naammagittaalliuutaata Naammagittaalliuuteqartarfimmit suliarineqarneranut atorneqartoq pillugu naammagittaalliuutitut Atorfeqarfifup suliarisinnaagaa.

...“

Isumaginninnermi Naammagittaalliuuteqartarfimmut 2. oktober 2000-imi imatut allappunga:

”A oqarasuaatikkut 11. september 2000-imi, naammagittaalliuut 1999-imi augustimi Naammagittaalliuuteqartarfimmut nassiussimasani, Isumaginninnermi Naammagittaalliuuteqartarfifup suli suliarisimanngimmagu Ombudsmandimut naammagittaalliuuteqarpoq. A-p Naammagittaalliuuteqartarfimmut naammagittaalliuutaa tassaavoq K-p illoqarfiani isumaginninnermut pisortanit sumiginnarneqartutut misigisimanini pillugu naammagittaalliuutaa.

Ombudsmandip siusinnerusukkut 1999-imi oktoberimi A attaveqarfigisimavaa. Tamatumani Ombudsmandip Isumaginninnermi Naammagittaalliuuteqartarfik apeqquteqarfigaa Naammagittaalliuuteqartarfik A-mit naammagittaalliummik suliaqarnersoq. Isumaginninnermi Naammagittaalliuuteqartarfifup A-mit naammagittaalliuut suliarinerpaa.

Isumaginninnermi Naammagittaalliuuteqartarfik qinnuigaara suliamik paasinninerminik, Ombudsmandip suliami misissuinermini atugassaanik nassuaateqqaqqlugu. Pingaartumik Isumaginninnermi Naammagittaalliuuteqartarfik qinnuigaara, A-mit naammagittaalliuut Naammagittaalliuuteqartarfifup qanga tigusimaneraa oqaatigeqqullugu aammalu oqaatigalugu naammagittaalliuutip tigusimanera Naammagittaalliuuteqartarfifup A-mut uppernarsisimaneraa.

Aamma Isumaginninnermi Naammagittaalliuuteqartarfik qinnuigaara, Naammagittaalliuuteqartarfifup suliami suut suliarisimanerai nassuaatigeqqullugit kiisalu oqaatigalugu suut suliarineqarsimanerannik A qanoq annertutigisumik ilisimatinneqarsimanersoq.

Kiisalu aamma Isumaginninnermi Naammagittaalliuuteqartarfik qinnuigaara A-p naammagittaalliuutaa Naammagittaalliuuteqartarfifup naammassillugu suliarisimaneraa paasisitsissutigeqqullugu.

Isumaginninnermi Naammagittaalliuuteqartarfifup akissutissaa, Ombudsmandi suliamik suliarinninnerminik naammassinnitsinnagu, naammagittaalliuuteqartumut saqqumiunneqarnissaa ilimagineqarpoq.

Naammagittaalliuuteqartoq matuma qulaani oqaatigineqartunik immikkut allakkatigut, matumani allakkat assilinerannik ilaqtillugit, ilisimatinneqarpoq.”

Suliami A-mut tunngasumi Isumaginninnermi Naammagittaalliuuteqartarfíup aalajangiinerata assilinera 9. november 2000-imi tiguara. Aalajangiineq imaattunik oqaasertaqarpoq:

”Ilaquuttavit X-ip illoqarfiani naapinnissaannut atatillugu ernerpit ilillu angalanissnut aningaasartuutit K Kommunimi isumaginninnermut ataatsimiititaliamit akerneqarsimanaerat pillugu naammagittaalliuutit 9. juni 2000-imi Isumaginninnermi Naammagittaalliuuteqartarfíup suliaraa.

Nassuaat ilanngunneqartoq toqqammavigalugu Naammagittaalliuuteqartarfíup naammagittaalliuut suliaraa imalu

AALAJANGIILLUNI

K Kommunimi isumaginninnermut ataatsimiititaliap aalajangernera allakkatigut 17. september 1999-imeersutigut ilinnut nalunaarutigineqartoq atortussanngortinneqarpoq Pisortanit ikiorssiissutit pillugit inatsisartut peqqussutaanni nr. 10-mi, 1. November 1982-imeersumi § 16, imm. 1 naapertorlugu.

Aalajangersaq qulaani taaneqartoq malillugu tamakkiisumik ilaannakortumil-luunniit uppernarsarneqarsimasunik ikorsiissuteqartoqarsinnaavoq, taamatut ikorsiisoqartassaaq aningaasartuutissat taakku inuup pineqartup piffissami pineqartumi aningaasatigut ingerlaneranut annertuumik nanertuutaasussaalersimappata imaluunniit taamatut ikorsiinikkut inuk pineqartoq siunissami imminut napatinniarnissaminiut periarfissaqaqluarnerulersinnaappat.

Naammagittaalliuuteqartarfíup aalajangiinermini isiginiarpaa qitornavit X-ip illoqarfiani ilaginissaannut atatillugu X-ip illoqarfianut angalanermut uterlugulu najugaqarnermilu aningaasartuutit ilinnut erninnullu akuersissutigineqarsimanaerat, tamannalu neqeroorutaasoq illit nammiq kissaatit malillugu atorusunnerlugu aalajangigassat.“

(Suliami pissutsit inatsisitigullu tunngavigisaq pillugit nassuaat ilanngunneqanningillat)

Allakkatigut tulleriinneri malillugit 4. december 2000-imeersutigut aamma 19. januar 2001-imeersutigut Isumaginninnermi Naammagittaalliuuteqartarfíup suliaq pillugu eqqaasippa.

Isumaginninnermi Naammagittaalliuuteqartarfíup allakkatigut 19. januar 2001-imeersutigut imatut akissuteqarpoq:

”Inatsisartut Ombudsmandiata allakkatigut 2. oktober 2000-imeersutigut kiisalu allakkatigut 4. december 2000-imeersutigut Isumaginninnermi Naammagittaalliuuteqartarfíup qinnuigaa A-p Isumaginninnermi Naammagittaalliuuteqartarfíum naammagittaalliuutimi suliarineqarneranut Naammagittaalliuuteqartarfíup piffissaq atugaa pillugu Ombudsmandimut naammagittaalliuutanut atatillugu nassuaateqaqullugu.

Naammagittaalliuuteqartarfíup aallaqqasiutigalugu Ombudsmandip saaffigin-nissutaata taama kingusitsigisumik akineqarnera ajuusaarutigissavaa.

A-p erneratalu angajulliup X-ip illoqarfianut tikeraarnissaat pillugu K Kommunimi isumaginninnermut ataatsimiititaliap aalajangiinera pillugu A-p naammagittaalliuutai 1. aamma 2. november 1999-imeersut Isumaginninnermi Naammagittaalliuuteqartarfíup 10. november 1999-imi tigui.

A-mut allakkatigut 6. januar 2000-imeersutigut naammagittaalliuutaa tigusimal-lugu Isumaginninnermi Naammagittaalliuuteqartarfíup uppernarsarppa, taamalu kingusitsigisumik akissuteqarneq ajuusaarutigineqarluni. Tamatumunngat atatillugu A

ilisimatinneqarpoq Isumaginninnermi Naammagittaalliuuteqartarfik paasissutissa-nik amerlanerusunik naammagittaalliuutip suliarinerani atugassanik K Kommuni-mut pissarsiniarniartoq, suliamilu Naammagittaalliuuteqartarfip aalajangiinngin-nerani qaammatit 6 - 12 ingerlasinnaasut.

Isumaginninnermi Naammagittaalliuuteqartarfip allakkatigut 6. januar 2000-imeersutigut K Kommuni suliaq pillugu nassuaateqaqquaa, allagaatillu suliamut at-tuumassuteqartut assilineri aamma piumallugit, taakkulu allakkatigut 10. februar 2000-imeersutigut Naammagittaalliuuteqartarfimmut nassiunneqarput.

Isumaginninnermi Naammagittaalliuuteqartarfip allakkatigut 31. marts 2000-imeersutigut K Kommuni qinnuigaa aalajangiinermut inatsisitigut tunngaviusoq kii-salu aalajangiinermut tunngavilersuutaasoq nalunaarutigeqquullugit. Saaffiginissut taanna 27. april 2000-imi akineqarpoq.

A-p naammagittaalliuuttaa tamatuma kingorna Isumaginninnermi Naammagittaalliuuteqartarfip 9. juni 2000-imi ataatsimiinnerani suliarineqarpoq.

Suliam Isumaginninnermi Naammagittaalliuuteqartarfip aalajangiinera nutseri-nikkut ajornartorsiutit pissutigalugit aatsaat 9. november 2000-imi A-mut nassiun-neqarpoq.

Aalajangiinerli ajuusaarnartumik qallunaatuinnaq A-mut nassiunneqarpoq, tas-sami ilisimatitsissutit oqaatigineqarsinnaammat aalajangiineq kalaallisumut suli nutsereqarsimangitsoq.” (Atorfefarfimmi nutsigaavoq.)

Isumaginninnermi Naammagittaalliuuteqartarfimmut 14. februar 2001-imi imatut allappunga:

”Isumaginninnermi Naammagittaalliuuteqartarfip allagai 19. januar 2001-imeersut 24. januar 2001-imi tiguakka, taakkunani Naammagittaalliuuteqartarfip suliamik paasinninnera kiisalu suliamik suliarinninnermi iliuusaasimasut nassuiar-neqarlutik.

Isumaginninnermi Naammagittaalliuuteqartarfik qinnuigaara ilassutaasumik nas-suaqqullugu naammagittaallioraq A suliak suliarineqarnerata nalaani suliamik suliarinninnermi iliuusaasimasunik ilisimatinneqarsimanersoq, kiisalu Isumaginninnermi Naammagittaalliuuteqartarfip aalajangiinera 9. juni 2000-imeersoq kalaalli-suunngorlugu tigusimaneraa.”

Isumaginninnermi Naammagittaalliuuteqartarfik allakkatigut 5. marts 2001-imeersutigut imaattumik akissuteqarpoq:

”Inatsisartut Ombudsmandiata 14. februar 2001-imi allakkatigut Isumaginninnermi Naammagittaalliuuteqartarfik, naammagittaalliuuteqartoq A suliak suliarine-qarnerata nalaani, suliak ingerlanneqarneranik ilisimatinneqarsimanersoq, aammal Isumaginninnermi Naammagittaalliuuteqartarfip 9. juni 2001-imi aalajangiinera-nik tigusaqartinneqarsimanersoq, ilassutaasumik nassuaateqarfifegquullugit qinnui-gisimavaa.

Isumaginninnermi Naammagittaalliuuteqartarfip tamatumunnga atillugu o-qaatigissavaa, A suliak suliarineqarnerani, naammagittaalliuuteqartarfip 6. januar 2000-imi allagaasigut, imarisai naammagittaalliuuteqartarfip Inatsisartut Ombuds-mandiannut 19. januar 2001-imi allagaani oqaatigineqartutigut, taamaallaat suliarisimasanik ilisimatinneqarsimasoq.

A ajoraluwartumik Isumaginninnermi Naammagittaalliuuteqartarfiup 9. juni 2000-imi aalajangiineranik kalaallisut tigusaqarsimannilaq, aalajangiinerup nutserisut allaffianni nutserneqarnissa suli utaqqineqarmat." (Atorfeqarfimmi nutsigaavoq.)

A allakkatigut 13. marts 2001-imeersutigut qinnuigaara Isumaginninnermi Naammagittaalliuuteqartarfiup allagai marluk qulaani taaneqartut pillugit oqaaseqaatissaqaruni oqaaseqaatini saqqummiuteqquillugit.

Tamatuma kingorna A-mit tusagaqanngivippunga.

Isumaginninnermi Naammagittaalliuuteqartarfimmut oqarasuaatikkut 12. december 2001-imi saaffiginnippunga, makkulu apeqqutigalugit:

- suliami A-mut tunngasumi aalajangiinerup nutserneqarnera nukingiuteqquillugu nutserisoqarfik qinnuigineqarsimanersoq, imaluunniit aalajangiinerup nutserneqarnissa siunertaralugu avataaneersumik nutserisitsisoqarnissa isumaliutersuutigineqarsimanersoq, kiisalu
- nutserisoqarfik eqqarsaatigalugu atugassiissutitigut ajornartorsiutit oqaatigineqartut aaqqiivigineqarnissaat Isumaginninnermi Naammagittaalliuuteqartarfiup eqqarsaatigineraa.

Ingerlaannaq oqaatigineqarpoq apeqqut siulleq akineqarsinnaanngitsoq, suliap pisooqassusia naammagittaalliuuteqarfimmilu sulisut piffissap ingerlanerani taarserarsimanerat pissutigalugit.

Apeqqutip aappaa eqqarsaatigalugu oqaatigineqarpoq suliassaqarfiup taassuma allanngortitsivigineqarnissa naammagittaalliuuteqarfifiup isumaliutersuutigigaa. Tamanna pillugu nassuaat suliamik suliariinnittup sapinngisamik piaernerpaamik Ombudsmandimut nassiunniarpaa.

Isumaginninnermi Naammagittaalliuuteqartarfik allakkatigut 13. december 2001-imeersutigut imaattumik akissuteqarpoq:

"Inatsisartut Ombudsmandiata oqarasuaatikkut saaffiginninnerata kingorna Isumaginninnermi Naammagittaalliuuteqartarfiup allatoqarfia Naammagittaalliuuteqartarfiup aalajangigaasa nutserneqartarnerat pillugu siunissami suliniutaasussat matumuuna nassuiassavai.

Isumaginninnermi Naammagittaalliuuteqartarfiup siunissami aalajangiisarneri allatoqarfimmi namminermi nutserneqartalissapput, aalajangiinerillu siulittaasumit atsiorneqarnerisa kinguninnguatigut aalajangiinerup qallunaatuuanik ilaqtillugit naammagittaallior tunut nassiunneqartalissallutiik.

Nassuaat aalajangiinermut tunngaviusoq naammagittaallior tunut siunissami qallunaatinnaq nassiunneqartalissaqaq, naammagittaallior torli kaammattorneqartassal-luni nassuaatip kalaallisuuata nassiunneqarnissa kissaatigineqarnersoq nalunaarutigeqqullugu.

Periaatsimik taassuminnga Naammagittaalliuuteqartarfiup atuisariaqaler neranut pissutaavoq nutserisitsiniermermi pissutsit pissutaallutik aalajangiinerup naammagittaallior tunut tiguneqarnissaata tungaanut piffissarujussuarmik atuisarneq.

Tamanna amerlanerusunik apeqqutissaqalersitsissappat saaffiginninnissassinnut tikilluaqquneqarpusi." (Atorfeqarfimmi nutsigaavoq.)

Naalakkersuisut Nutserisoqarfiat oqarasuaatikkut 4. april 2002-mi attaveqarfigaara, suliami A-mut tunngasumi aalajangiineq Isumaginninnermi

Naammagittaalliuuteqartarfiup nutsigassanngortillugu qanga nassiussimanaeraa paasiniarlugu. Nutserisoqarfik tamanna pillugu paasissutissiinnaanngilaq, tassami suliassat takkussortut nalunaarsorneqartarnerat aatsaat april 2001-imi aallartinneqarsimammat. Isumaginninnermi Naammagittaalliuuteqartarfik ulloq taanna attaveqarfigaara, apeqqullu taanna apeqqutigalugu. Suliamik suliarinnittup oqaloqatigisama suliaq misissorniarpaa, aqaguanilu sianerniarluni. Tamatumunnga peqatigillugu malugeqquillugu oqaatigaara mappi allagaatinik A-mut tunngasunik imalik Ombudsmandip tigummigaa, suliamilu allagaatinik imalimmi tassani aalajangiinerup nutsigassanngortillugu qanga nassiunneqarsimanera pillugu paasissutissanik nassaassaqanganitsoq.

Isumaginninnermi Naammagittaalliuuteqartarfiup oqarasuaatikkut 5. april 2002-imi oqaatigaa suliaq naammagittaalliuuteqartarfimmi sulisut ul-laakkut ataatsimiinneranni oqaluuserineqarsimasoq, suliamilu A-mut tunngasumi aalajangiinerup nutsigassanngortillugu nutserisoqarfimmut qanga nassiunneqarsimanera pillugu paasissutissanik nassaartoqarsinnaasimanngitsoq.

Tamatuma kingorna imaattunik oqaaseqaateqarsimavunga:

“1. Oqartussaasup naammagittaalliummik tigusineq pillugu uppernarsaasussaatitaanera.

Oqaatigineqarpoq A-p naammagittaalliuutaa Isumaginninnermi Naammagittaalliuuteqartarfiup 10. november 1999-imi tigusimaga, naammagittaalliuutilu tiguneqarnera naammagittaalliuuteqartarfiup allakkatigut 6. januar 2000-imeersutigut uppernarsarsimaga.

Suliassat suliarineqartarnerat pillugu inatsit innuttaasup allakkatigut saaffiginnissutaata oqartussaasumit tiguneqarneranit tigusinerup kingorna oqartussaasup qanoq sivisutigisumik piffissaqaritaanera pillugu malitarrisassanik imaqanngilaq.

Taamaattorli ingerlatsinermi ileqqorissaarnerup nassatarisaanik i-maappoq innuttaasup allakkatigut saaffiginnissutaanik oqartussaasoq tigusisoq saaffiginnissutip tiguneqarnera pillugu ingerlaannartuunngikkaluartumik taamaattorli piffissap sivikitsunnguuup ingerlanerani innuttaasumut uppernarsaasariaqartoq.

Innultaasup naammagiuttaalliornissaanut piffissaliisoqarsimatillugu naammagittaalliuutip tiguneqarnera pillugu oqartussaasup uppernarsaa-taanik innultaasup piaarnerpaamik tigusaqarnissaa immikkut pingaarute-qarpoq, tassami naammagittaalliuutip tiguneqarnera pillugu uppernarsaa-soqanngippat naammagittaalliuutip piffissaagallartillugu tunniunneqar-nissaa eqqarsaatigalugu tamanna innuttaassumut inatsisitigut inissisima-neq pillugu nalornisuulersitsisinnaammat.

Isumaginnitoqarfip aqunneqarnera pillugu Inatsisartut peqqussu-taanni Isumaginninnermi Naammagittaalliuuteqartarfimmut naammagit-

taalliuuteqarnissamut sapaatit akunneri sisamat ataatsimut isigalugu pif-fissaliunneqarsimapput.

Tamakku tunngavigalugit suliami matumani A-p naammagittaalliuutaanik tigusinerup kingorna Isumaginninnermi Naammagittaalliuuteqartarficut qaammatit marlungajaat ingerlareersut aatsaat uppernarsaanera pitsaangitsutut isigaara. Isumaginninnermi Naammagittaalliuuteqartarfik allakkamini 19. januar 2001-imeersuni uannut oqarpoq tigusinermik tamaa kingusitsigisumik uppernarsaaeq A-mut ajuusaarutigineqarsimasoq. Naammagittaalliuuteqartarficut ajuusaarsimanera ilalersinnaavara.

2. Piffissaq suliamik suliarinninnermut atorneqartoq.

Ingerlatsinermi ileqqorissaarnerup nassatarisaanik oqartussaasup suliamik suliarinninnera sapinngisamik pilertornerpaamik eqaannerpaamillu ingerlanneqartussaavoq.

Piffissaq suliamik suliarinninnermut atorneqartoq eqqarsaatigalugu ingerlatsinermi ileqqorissaarneq pillugu malittarisassat suliassat suliarineqartarnerat pillugu inatsisip december 1994-imeersup qanoq atorneqarnissaanik Namminersornerullutik Oqartussat ilitsersuusiaanni allaaserineqarsimapput. Ilitsersuut taanna ilaatigut Namminersornerullutik Oqartussani oqartussaasunut Kalaallillu Nunaanni kommuninut nassiussuunneqarsimavoq. Akissuteqarnissamut piffissaq suliamik suliarinninnermut atorneqartoq il.il. pillugit malittarisassat matumunnga attuumassuteqartut ilaatigut ilitsersuummi imm. 199 aamma 204-mit 207-imut allaaserineqarput:

"199. Suliassat tamarmik pisortat ingerlatsiviinit suliarineqartut soorunami sapinngisamik pisariitsumik, sukkasuumik aningaasartuutaavallaanngitsumillu suliarineqartarnissaannik piumasqaat pingartumik atuuppoq suliassanut inuit ataasi akkaat imaluunniit namminersorlutik ingerlatseqatigiffiit, suliffeqarfit, peqatigiifit il.il. attuumassuteqarfigisaanni.

(Immikkoortoq 2 ilanngunneqanngilaq)

Suliap suliarineqarnissaata sapinngisamik aningaasartuutaavallaartussanngornagu piareersarneqarnissaanik piumasqaammi kisimi pineqanngilaq suliap ataasi akkaat suliarineqarnissaanni nalilorsorneqarnissaa oqartussaasup suut nammineerluni suliassamut atorsinnaanerai, kisiannili aamma pineqarpoq suliap sukkasuumik eqaatsumillu ingerlanneqarnera innuttaasumut pineqartumut aningaasatigut qanoq sunniuteqassanersoq. Suliassani suliap sukkasuumik aalajangiivigineqarnissaat innuttaasumut pineqartumut aningaasatigut annertuumik pingaaruteqartuni tamanna isiginiarneqartariaqarpoq.

...

204. Suliassat suliarineqartarnerat pillugu inatsit suliassat qanoq sivisutigisumik suliarineqartarnissaat pillugu nalingimaasunik aalajangersagartaqanngilaq. Tamatumunnga ilaatigut tuniliaqutaavoq suliassat pisortat ingerlatsiviinit suliarineqartartut assigiinneqimmata assigiinneqisunillu annertussuseqartarlutik, taa-mattumik inatsisikkut pisortat ingerlatsiviini qanoq sivisutigisumik suliarineqartarnissaasa aalajangersimasumik maleruagassaliornissaat ajornarluinnartussaal-luni, tassa eqqartuussivinni ajornarpallaanngitsumik atortinniarneqarsinnaasunik.

Kisiannili folketingip ombudsmandiata oqaaseqaatigisartagai tunngavigalugit nalinginnaasumik ingerlatsinermut ileqqut kusanartut malinniarneqarnissaanni suliassat qanoq sivisutigisumik suliarineqartarnissaat pillugu tunngavagineqarsimma-sunik suliassat suliarineqartarnissaasa aaqqissugaasarnissaat pillugu maleruagas-saqartitsineqarpoq, matuma ataani suliamut tunngassuteqartup suliap qanoq sivi-sutigisumik suliarineqassanngatinneqarneranik ilisimatinneqartarnissaat pillugu.

Ombudsmandip aammattaaq aalajangikkat ilaanni tikkuaavigisarsimavaa suliat sivisumik aalajangiivigineqarrik uninngatinneqartarnissaat pinaveersaarniar-lugu kiisalu puigortoorneqarlutik aalajangiivigineqanngitsoortarnissaat pinaveer-saarniarlugu oqartussaasut naammattunik atorsinnaalluartunik suliat uterfigine-qaqqtarnissaannut allattuiffiliortarnissaat.

(Imm. 205-imit 207-imut ilanngunneqanngillat)

Suliap uannut saqqumiunneqarnera malillugu isumaqarpunga naam-magittaalliuutip tiguneqarneranit 9. juni 2000-imi aalajangiinissap tun-gaanut piffissaq suliamik suliarinninnermut atorneqartoq pillugu Isu-maginninnermi Naammagittaalliuuteqartarfik isornartorsiussallugu naam-mattumik tunngavissaqarnanga. Aamma naammagittaalliuuteqartarfup naammagittaalliuutinik takkuttunik ataatsimut isigalugu qaammatini 6-12-ini suliarinninnissamik naatsorsuutiginninneranik Isu-maginninnermi Naammagittaalliuuteqartarfimmit innuttaasunut assigiissaartumik ilisima-titsissuteqartarneq isornartorsiussallugu naammattummik tunngavissa-qarnanga isumaqarpunga.

Taamaattorli misissuinerma immikkoortuata kingulliup Isu-maginnin-nermi Naammagittaalliuuteqartarfup kalaallit qallunaallu oqaasiinik atuineranut immikkut sammitissallugu pisariaqartoq isumaqarpunga, matu-mani naammagittaalliuuteqartarfup aalajangiinerisa kalaallisut nutserne-qartarneri tamatumunngalu atatillugu piffissaq suliat suliarineqarnerinut atorneqartartoq eqqarsaatigalugit atugassiissutaasunut tunngasut ilan-gullugit eqqarsaatigalugit.

Kiisalu oqartussaasut allakkiortussaaitaanerat pillugu malittarisassat pillugit arlalinnik oqaaseqaateqarnissara aamma pisariaqartutut isigaa-ra.

3. Oqartussaasut kalaallit qallunaallu oqaasiinik atuinerat.

Namminersornerullutik Oqartussat pillugit inatsimmi § 9 imaattunik o-qasertaqarpoq:

"§ 9. Kalaallit oqaasii pingaarnersaallutik oqaasiussapput. Danskit oqaasii peq-qissaartumik ilinniartitsissutigineqassapput.

Imm. 2. Oqaatsit taakku tamarmik pisortaqarfinni atorneqarsinnaapput."

Kalaallit Nunaanni Namminersornerullutik Oqartussat pillugit inatsisip 1979-imi atuutilernissaa sioqqullugu ataatsimiititaliarsuup sulinera inger-lanneqarpoq, taannalu Kalaallit Nunaanni Namminersornerullutik Oqar-tussat pillugit isumaliutissiissutip nr. 873/1978-ip suliarineqarneranik inerneqarpoq.

Isumaliutissiissutip atuagartaani 1-mi, kap. 4, imm. B-mi qupp. 35-mi kalaallit qallunaallu oqaasii immikkut sammineqarput. Immikkoortoq B-mi imaattunik allassimasoqarpoq:

"B. Oqaatsit

Hjemmestyrekommisioni isumaqarpoq hjemmestyregalernermut atatillugu kalaallit oqaasii Kalaallit Nunaanni oqaatsit pingaarnersaattut ileqquusussamik akuerineqartariaqartut.

Kalaallit oqaasii soorlu aamma kalaallit hjemmestyreudvalgiannit ersersinnejartoq (takuuk kapitali I, immikkoortoq B) aalajangiutaalluinartumik kalaallit namminneq kinaassutsiminnik misigisimanerannut ilanngupput taamaalillutillu kinaassutsip pigiuarneqarnissaanut nakussassarnissaanullu, kalaallit imminnut inuitatut ataatsitut misigisimanerata atatinneqarnissaanut, pingaarutaalluinnarlutik.

Qallunaat oqaasii naalagaaffimi oqaasiviusutut siullermik naalagaaffiup tamarmi inuisa inuiaat akornanni atassutaapput, kisianni aamma Kalaallit Nunaata tungaatigut silarsuarmut avatitsinnitumut tamarmiusumik atassuteqarnermut sakkuupput atassut taanna, pissutsimmi taamaammata, danskit pisortaasigut danskillu suliffeqarfisigut pisarmat. Pingaartumik ilinniartitaanerup qutsinnerusup annersaa Danmarkimi ilinniarfimmi pisariaqarpoq.

Taamaattumik kommissioni aalajangersakkamik siunnersuuteqarpoq taanna mälllugu kalaallit oqaasii oqaatsit pingaarnersarissallugit, sulilu aamma siunnersuutgalugu danskit oqaasii peqqissaartumik ilinniartitsissutigineqassasut.

Pissutsini inunnut tamanut tunegasuni oqaatsit marluiit taakkua naligiissitaanisaat kommissionip siunnersuutigaa. Tamatuma pingaartillugu imaraa oqaatsit marluiit taakku kalaallit danskillu pisortaasa imminnut atassuteqarnerminni tassunga oqaatsit marluiit taakkua arlaat atassuteqarniartup atorneqarsinnaasut Kalaallit Nunaannilu innuttaasup kialluunniit pisortanut saaffiginninnermini allatulluunniit ittumik atassuteqarnerminni piumasaristinnaagaa oqaatsit marluiit taakkua arlaat atassuteqarniartup atorumasai atorneqassasut."

Aammattaaq ataatsimiititaliarsuup isumaliutissiissutaani tassani kaptali 1, immikkoortoq B-mi quppernerni 12-13-imi namminersornerulluni oqartussaanermik aaqqissuussinerup tunuliaqutaa pillugu allaaserineqartunit erseroq Namminersornerullutik Oqartussat pillugit ataatsimiititaliarsuup pilersinneqannginnerani Namminersornerullutik Oqartussat pillugit ataatsimiititaliamik pilersitsisoqarsimasoq, landsrådimi ilaasortanik tallimanik, kalaallit folketingimi ilaasortaatitaanik marlunnik kiisalu Kalaallit Nunaanni kommunit kattuffiata ilaasortaatitaanik ataatsimik inuttalerneqarsimasumik. Ataatsimiititaliap taassuma isumaliutissiissut/isumaqatigiinniutissaq 18. februar 1975-imi saqqummiuppaa, taassumalu inneralugu naalagaaffeqatigiinnerup iluani namminersornerulluni oqartusaqalernissap piaarnerpaamik tunngavissalerneqarnissaata kaammattuitigineqarnera. Taamaalilluni isumaliutissiissut taanna Namminersornerullutik Oqartussat pillugit ataatsimiititaliarsuarmik pilersitsinermut toqqaannartumik tunngaviuvoq, Namminersornerullutillu Oqartussat pillugit ataatsimiititaliarsuup sulinerani aallaaviusimalluni.

Ataatsimiititaliarsuup isumaliutissiissutaani qupperneq 13-imit erseroq ataatsimiititaliap isumaliutissiissutaani Namminersornerullutk Oqar-

tussat pilersinneqarnissaannik kissaateqarnermi tunngaviit pingaartut ar-finillit nassuiardeqarsimasut. Tunngaviit/immikkoortut taakku qupperneq 13-imi issuarneqarput.

Immikkoortoq 4-p issuarnissaa tulluartutut isigaara:

"4) Oqaatsitigut ajornartorsiutit. Danskit kalaallillu oqaasii ima imminnut unga-sitsigaat eqqarsaatit oqaatsit aappaannut nuunniartarnerat assorujussuaq ajornar-torsiutaalluni. Tamanna ilinniartsinermi ajornartorsiutaannaanngilaq, tassami kalaallit oqaasii kalaallit eqqarsartaasiannut inuunerannullu atalluinnartuugamik, kalaallillumi oqaatsitik annajumangilaat ... annaassagaluarunikkit inuiattut ikin-nerussuteqartut tammariaartornissartik sukkasoorujussuarmik ornittussavaat."

Pisortat ingerlatsineranni suliassat suliarineqartarnerat pillugu Inatsi-sartut inatsisaata nr. 8-p, 13. juni 1994-imeersup (suliassat suliarineqar-tarnerat pillugu inatsisip) akuerineqarneratigut ingerlatsiviup suliaani i-ngerlanneqartumi suliami illua'tungiusup pisinnaatitaaffii piginnaatitaaf-filu pingaaruteqartut Inatsisartut inatsisaatigut ataatsimoortumik aalaja-ngersarneqarput.

Inatsisissatut siunnersuut pillugu oqaaseqaatinit nalinginnaasunit ila-atigut erserpoq:

"Inatsisissatut siunnersuut akuerineqassaguni pisortatigut ingerlatsineremi suli-aasartut pitsaanerusumik suliarineqartalernissaannut ikiutaassaaq taamalu isu-mannaallisaataassalluni oqartussaasut aalajangiisarnerisa inatsisinut naapertuut-tuullutillu eqqortuusalernissaannut. Inatsisartut siunnersuutip qularnaallissavaat-taaq innuttaasut imminnut aalajangiisoqartarnerani sunniuteqartalernissaat paa-sinissinnaanerusalernissaallu aalajangiinerit imarisannik tamakkununngalu tun-gaviusunik."

Nunatta Inatsisitigut aqunneqarnera pillugu Ataatsimiititaliap ilaatigut pisortat ingerlatsinerat pillugu Inatsisartut inatsisissaattut siunnersuut (ki-gusinnerusukkut suliassat suliarineqartarnerat pillugu inatsimmik taane-qartalersoq) pillugu isumaliutissiissutaani quppernernit 8-mit 9-millu er-serpoq:

"Isumaginninnermut Suliffeqarnermullu Pisortaqaqrifup Nunani Avannarlerni oqaatsit pillugit isumaqatigiissummi aamma Nunani Avannarlerni ikiuisarnermut isumaginninnermullu tunngasut pillugit isumaqatigiissummi aalajangersakkat pis-sutigalugit kissaatigaa inatsisissatut siunnersuummi § 7, imm. 1-imut nassuaatini ilanngunneqassasut najoqquṭassat erseqqinnerusut, aalajangerneqaqqullugu gallu-naat oqaasii imaluunniit kalaallit oqaasii pisortat oqartussaasut saaffiginnissutinik akisinerminni atortasaneraat. Isumaqatigiissutit taaneqartut kinguneraat Nunat Avannarliti arlaanni innuttaasup suliassap suliarineqarnerani saaffiginninnermini immikkut aningaasartuuteqarnani oqaatsiminik atuisinnaanera.

Ataatsimiititaliap tamatumunnga tunngatillugu oqaatigissavaa § 7, imm. 1, ma-lillugu ilitsersuisussaassutsip aammalu pisortatigut ingerlatsiviup misissuisussaas-susia pillugu pisortatigut ingerlatsineq pillugu nalinginnaasumik isumaasut kingu-nerissammassuk, ingerlatsineremi oqartussaasut qularnaariniartarnissaat oqartus-

saasut kikkunnik tamanik, suliassanik suliarisassaminnik saaffiginnissuteqartunik, paasinnittarnissaminnik saaffiginnittunillu paasineqartarnissaminnik. Taamaattumik oqartussaasut pisussaapput oqalutseqartitsillutillu nutserisoqartitsisarnissamut.

Taamaattumik isumaqatigiissutit malillugit pisussaatitsinerit erseqqissaanerinaapput oqartussaasut § 7, imm. 1 malillugu pisussaanerannik misissuinissamullu pisussaanerannik. Ingerlatsinermi ileqqup pitsasup siunertarimagu oqartussaasut saaffiginnissutit oqaatsit saaffiginninnermi atorneqartut atorlugit akineqartarnissaat, pisariaqarsorinanngilaq inatsisissatut siunnersuummut nassuaatini naqququtassanik erseqqinnerusunik ilanngussaqarnissamut. Najoqqutassiat taaneqarnerusariaqarput inatsit pillugu ilitsersuummi.”

Inatsisissatut siunnersuummi § 7, imm. 1 pillugu oqaaseqaatini imaluuniit suliassat suliarineqartarnerat pillugu inatsimmi ilitsersuummi oqartussaasut kalaallit qallunaalluuniit oqaasiiniik atuinissaat pillugu tu-naartarisassat erseqqinnerusut taaneqarsimangillat.

Pisortat ingerlatsinerni suliassat suliarineqartarnerat pillugu Inatsisartut inatsisaata allanngortinneqarneranik Inatsisartut inatsisaat Inatsisartut 30. oktober 1998-imi akueraat. Allannguutitut inatsimmi aalajangersarneqarpoq suliassat suliarineqartarnerat pillugu inatsimmi § 7-ip kingorna § 7a nutaaq imatut oqaasertalik ilanngunneqassasoq:

”§ 7a. Suliamik ingerlanneqartumut peqataasoq isummamnik ersersitsisinnaavoq, kissaatigigini kalaallit imaluuniit danskit oqaasii atorlugit sullinneqarumal-luni. Taamatut isummamik ersersitsineq pisortaasup malittusaavaa.”

Aalajangersagaq taanna pillugu oqaaseqaatini allassimavoq ”Inatsisartut inatsissaattut siunnersuutip saqqumiunneqarneratigut siunertaavoq, innutaasunut pisortanullu, erseqqissumik paatsuugassaanngitsumillu takuneqarsinnaalissasoq, innuttaasoq pisortani oqartussaasunut saaffiginnikkuni piumasaqarsinnaasoq pisortanut tunngasuni oqaatsit imminut naligiissut – kalaallit danskillu oqaasii – atorlugit, kissateqarnermisut, sullinneqarsinnaasoq.”

Namminersornerullutik Oqartussat pillugit ataatsimiititaliarsuup isumaliutissiissutaanit qulaani issuakkanit takuneqarsinnaasutut Namminersornerullutik Oqartussat pillugit inatsisip akuerineqannginnerani kalaallit qallunaallu oqaasiisa innuttaasunik kiffartuussineq eqqarsaatigalugu nali-giissuunissaat tunngavagineqarsimavoq. Taamaattumik allannguutissatut inatsit inatsiseqartitsinermi atuuttooreersumik inatsisikkut aalajangersaa-nertut isigineqarsinnaavoq.

Taamaattorli aalajangersagaq taanna paasinninera malillugu innuttaasup oqartussaasumut saaffiginninnermini oqaatsit suut atorlugit kiffartuunneqarnissani kissaatigigini erseqqissumik oqaatigisimanngippagu oqartussaasup oqaatsit suut atorneqarnissaannik nammineq toqqaasinnaa-nerannik paasinninnissamut tunngavissaqanngilaq.

Tamanna nalornissutigineqartillugu oqaatsit suut pisumi atorneqarnissaannik naliliinissaminut oqartussaasoq pisussaaffeqartussaavoq, ilaati-gut tamatuma innuttaasumut apeqqutilliissutigineratigut.

Oqaatigaara aalajangiineq inatsisitigut aatsaat atuussinnaassuseqalis-sasoq, innuttaasumut nalunaarutigineqaruni. Tamatuma nassataraa A-p qallunaat oqaasiinik pisinnaasaqannginera naammagittaalliuuteqartarfliup ilisimappagu naatsorsuutigippaguluunniit aalajangiinerup qallunaatuujusup inatsisitigut atuussinnaassuseqassaguni kalaallisuumut nutserne-qarneranik ilaqtarinneqassasoq.

Mappimik allagaatinik A-mut tunngasunik imalimmik misissuinermit er-serpoq pineqartup Isumaginninnermi Naammagittaalliuuteqartarfimmuit saaffiginnissutai tamarmik kalaallisut allanneqarsimasut. Taamaattumik A-p kalaallisut oqaatsit pingaarnertut oqaaserigai naatsorsuutigissallugu pissutissaqarluarpoq.

Tamanna tunngavigalugu A-p tigusaata siulliup Isumaginninnermi Naammagittaalliuuteqartarfliup aalajangiinerata qallunaatuujunera kiisalu aalajangiinerup nutserneqarnerata naammagittaalliuuteqartarfliup A-mut allagaasigut 9. marts 2001-imeersutigut aatsaat pissarsiarineqarnera ajuusaarnartorujussuartut isigaara.

Aammattaaq ajuusaarnartutut isigaara nutserisoqarfimmi atugassiissu-tasutigut ajornartorsiutai naammagittaalliuuteqartarfliup A-mut ilisimatisissutigisimanngimmagit, tamannami paassisutissiissutigineqartut malil-lugit aalajangiinerup kalaallisuuungortillugu nutserneqarnerata suliarine-qarnerani suli qaammatit qulingiluangajaat atorneqarsimanagerannut pissu-taasimammat.

Aalajangiinerup kalaallisuumut nutserneqarnerani qaammatit qulingi-luangajaat ingerlasimanagerat immini ajuusaarnartorujussusutut isigaara. Isumaginninnermi Naammagittaalliuuteqartarfliup tamanna tunngavigalugu aalajangiinerup qallunaatut suliarineqarnerata kingorna piaernerpaamik suliarineqarnissaa siunertaralugu nutserisumik avataaneersumik atui-nissamut periarfissat misissortariaqarsimagaluarpai.

4. Allakkiortussaatitaaneq pillugu malittarisassat.

Mappip allagaatinik A-mut tunngasunik imallip misissornerani paasi-vara suliap nutsigassanngortillugu nutserisoqarfimmuit qanga nassiunne-qarsimanera pillugu allakkiortoqarsimanngitsoq. Isumaginninnermi Naammagittaalliuuteqartarfimmuit oqarasuaatikkut saaffiginnittarninni suliami A-mut tunngasumi aalajangiinerup nutserneqarnerata nukingiun-neqarnissaa pillugu nutsersisoqarfik qinnuigineqarsimanersoq, imaluun-niit nutserisitsinissaq siunertaralugu avataaneersumik nutserisitsisoqar-nissaa isumaliutersuutigineqarsimanersoq pillugit apeqqutikka akineqar-sinnaasarsimanngillat.

Tamatumunga atatillugu oqaatigaara pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni § 6, imm. 1-im i makku atuummata:

"Suliassani ingerlatsinerut oqartussaasunit aalajangiiffigineqartussani oqar-tussaq paassisutissanik suliassamut tunngassuteqarluinnartunik suliassap aalaja-

ngiiffigineqarnissaanut pingaaruteqartunik allatut iliorluni paasisaqartoq paassisutissat taakku imaat pillugit allakkiussaaq. Taamaattorli paasissutissat taakku suliassap allakkiartaasa ilaanni takuneqarsinnaappata tamanna atuutinngilaq.”

Allakkiortussaatitaanerup annertussusia suliassat suliarineqartarnerat pillugu inatsit pillugu Inatsisileriffiup ilitsersuusiaani december 1994-i-meersumi imm. 58-61-im i matut allaaserineqarsimavoq. Ukulu issuarnisaat naleqquttutut isigaara:

”58. Pisortat suliassanik ingerlatsinerminni aalajangiinissaminut tunngavissanik oqaasiinnartigut pissarsiniarajuttarput. Taamatut suleriuseqarneq sukkanerusumik pisariinnerusumillu suliassanik suliarinninnerusinnaavoq, atorneqarneralu kililerniarneqartariaqarani. Illuatungaatigulli pingartaatuvoq pisortat oqartussaaffiata taamatut suleriaaseqarnera pissutigiinnarlu suliassami peqataasut pisortat ingerlatsineranni suliassap suliarineqarnerani paasissutissanik pissartsisinnaajunnaarsinneqannginnissaat. Aammattaq pisortat ingerlatsivianni oqartussaqaqrifimmut namminermut pingartaatuvoq paasisinnaassallugu paasissutissat suut aalajangiiniarnermi tunngavissatut ilangunneqarsimanersut, assersuutigalugu suliassaq ilumut eqqortumik suliarineqarsimanersoq eqqarsaatigineqartillugu.

...

59. Allattuisussaatitaanerup qanoq annertutiginissaani apeqquataanngilaq paasissutissaq imamigut isigalugu paasissutissarpiaanersoq taamaannginnersorluunniit, pingaarnerullunili paasissutissaq taanna oqartussap suliamik ingerlatsinerani qanoq atorneqarnersoq. Paasissutissap allanneqarnissaanut pingaaruteqartoq tas-saavoq paasissutissaq suliassap uppermarsaatitaanut tapertaanersoq, imaluunniit suliassami pissusiviusut ersarinnerusunngortinnejarnissaat eqqarsaatigalugu pissarsiarineqarsimanersoq. Taamaalluni taanna siullermik paasisat pillugit, uittortaanerit misissuinerillu inernerinut, aningaasatigut atukkat pillugit paasissutissanut aalajangiunneqartumut (assersuutigalugu akileraaruteqaaataasussanik isertitat amerlassusii) assigisaallu pillugit paasissutissarpassuarnut ilaalerpoq. Allattuisussaatitaanermili misigisat tunngavigalugit naliliinerit pillugit paasissutissat aamma ilaatinneqarsinnaapput, tassa naliliinerit taamatut aqutsinkkut uppermarsaasersuinermut pingaaruteqarpata, assersuutigalugu suliassamut immikkut ilisimasalimmit avataaneersumit pissarsiarineqarsimasut, pissusiviusullu pillugit paasissutissat as-sigiinngitsut pingaarutaannik naliliisut.

Suliassalli aalajangiivigineqarnissaq eqqarsaatigalugu isummanik, tunngaviler-suutnik imaluunniit naliliinernik saqqummiussineq allattuisussaatitaanermi ilaatinnejartussaanngilaq. Tamanna malittarisassat atuuttut pillugit paasissutissat imaanut atuuppoq.

60. Allattuisussaatitaanermi paasissutissat suliassami pissusiviusunut tunngasut tamarmik suliassaq pillugu allattugaatini allani ilaariinngitsut pineqarput, paasisutissat taakku suliassamut qanoq ililluni pissarsiarineqarsimanerat apeqquataatin-nagu. Taamaalluni allattuisussaatitaanermi paasissutissat oqartussaqaqrifiup taassuma iluani oqaasiinnakkut paarlanteqatigiinneqartut aamma ilaatinneqarsinnaapput, assersuutigalugu sulisut akornanni paarlanteqatigiinneqartut, imaluunniit paasissutissat communalbestyrelsip, kommunimi ataatsimiititaliat suleqatigiiffiillunniit akornanni ataatsimiinnerni saqqummertut. Paasissutissat oqartussat allat suliassataanneersut nalunaarsuivinneersulluunniit suliami aamma allattorneqassap-put, innersuussuttitut ilusilerneqarsinnaallutik.

Aammattaq allattuisussaatitaaneq pillugu aalajangersakkap kingunerisaanik atortussat suliassani ilaasimasut kingusinnerusukkulli assilinagit, kopeernagait, inu-

innarnut suliffeqqaqfinnulluunniit il.il. atortussanik taakkuninnga utertitsinissamut pisussaaffeqannigtsunut tunniunneqarsimasut utertinneqarsimasulluunniit imaat pillugit oqartussaqaqrifk allattuisariaqartassaaq, taamaattorli tak. imm. 57.

61. Paasissutissat pissarsiarineqarniariartut allakkiamut immikkut ittumut ingerlaannaq allattorneqarnissaat allattuisussaatitaanerup kingunerisariaqanngilaa. Manna tikillugu pisarnertut paasissutissat taakku oqartussaqaqrifup pineqartup nammineq allattuiffiutaanut allattorneqarsinnaapput, assersuutigalugu pappialamut imaqarniliuiffimmut assigisaanulluunniit, matumani qarasaasiami allattuiviit ilanngullugit. Taamatut pisoqartillugu kingusinnerusukkullu paasitinneqarnissaq qinnuteqaatigineqartillugu pappiara imaqarniliuivigineqartoq takutinneqaannasaaq, imaluunniit suliassami pissusiviusut suliassap aalajangiivigineqarneranut pingaaruteqartut taamatullu iluseqartillugit tiguneqarsimasut pillugit naalisaaalluni paasissutissiisoqassalluni.”

Tamakku saniatigut ingerlatsinermi ileqqorissaarnerup nassataraa suli- ami iliuuserineqartut annertuut tamaasa pillugit aamma allattusoqartar- nissaa.

Pingaarnertut isigalugu aalajangiisuusoq tassaavoq paasissutissat pi- neqartut suliap paasissutissartalersorneqarnerani sumik siunertaqarner- sut. Allakkiortussaatitaaneq qulaani oqaatigineqartutut innuttaasut suli- ami allagaatinik paasitinneqarsinnaatitaanerup atortinneqarnerani tun- ngaviuvoq, kisiannili oqartussaasup suliamik suliarinninnermini eqqortu- mik iliuuseqarsimanerata pitsaasumik nakkutigineqarnissaanut annertuu- mik aamma tunngaviulluni.

Suliamti matumani nutserisoqarfimmil atugassiissutaasutigut pissutsit naammagittaalliuuteqartarfiup ilisimasimasai aalajangiinerup kalaalli- suumut nutserneqarnerani piffissap suliamik suliarinninnermut atorneqar- tup sivilsunerulerneranut toqqaannartumik pissutaasimapput. Taamaattu- mik paasinninnera malillugu suliap nutserisoqarfimmil nassiunneqarnera pillugu allakkiorissaq naammagittaalliuuteqartarfiup pisussaaffigisima- vaa.

Tamanna tunngavigalugu naammagittaalliuuteqartarfiup suliap nutseri- soqarfimmil nassiunneqarnera pillugu allakkorsimannginnera pitsaan- gitsutut isigaara.

Nalunngilarattaaq nutserisoqarfimmil suliamik nassitsinermi immersu- gassaq immikkut ittoq naammagittaalliuuteqartarfiup nalinginnaasumik a- tortaraa.

5. Naammagittaalliuuteqartarfiup aalajangiinerisa nutserneqartarnerat pillugu siunissami suliniutit.

Oqartussaasut oqaatsinik atuinerat pillugu qulaani oqaaseqaatit kingu- nerisaannik naammagittaalliuuteqartarfiup innuttaasunut aalajangiine- risa nassiunneqartarnerat eqqarsaatigalugu allanguutigitinniakkat pil- lugit Isumaginninnermi Naammagittaalliuuteqartarfiup allagai 13. decem- ber 2001-imeersut pillugit arlalinnik oqaaseqaateqarnissannut pissutissa- qarpunga.

Allakkani oqaatigineqarpoq Isumaginninnermi Naammagittaalliuuteqartarfíup siunissami aalajangigai allattoqarfíup iluani nutserneqartarniartut, aalajangiinerullu qallunaatuuanut ilanngullugit aalajangiinerit siulittaasumit atsiorneqarnerisa kinguninnguatigut naammagittaalliorumut nassiuat aalajangiinerup ilaatigut tunngavigisaa naammagittaalliorumut siunissami qallunaatuinnaq nassiuunneqartarniarpoq, naammagittaalliororli kaammattorneqartassalluni nassiuatip kalaallisunngorlugu nassiuunneqarnissaa kissaatiginerini nalunaarutigeqquillugu.

Nassiuat aalajangiinerup tunngavigisaa paasinninnera malillugu tassaavoq naammagittaalliuuteqartarfíup aalajangiisinnaaneranut tunngavippiaasoq, tassami nassiuat taanna pissusiviusut inatsisitigullu tunngaviusut eqqarsaatigalugit tassaammat suliap tamarmi paassisutissartaler-sorneqarneranik imaqartoq. Taamaallilluni nassiuat aalajangiinerup i-maanik naammagittaalliorup paasinninnissaanut tunngaviuvoq.

Oqartussaasut oqaatsinik atuinerat pillugu immikkoortumi matuma siulianiittumi inerniliineq malillugu inatsisitigut inissisimaneq atuuttoq immaappoq naammagittaallioroq oqartussaasup aalajangigaani pisortanut tunngasuni oqaatsit naligiissut, kalaallisut qallunaatullu oqaatsit, arlaat paasisinnaasani atorlugit nalunaarfingineqarnissaminik piumasaqaa-teqarsinnaasoq.

Taamaattumik suliimi naammagittaallioroq kalaallisutinnaq oqaase-qartuuppat naammagittaalliuuteqartarfíup siunissami periaaseriniagaa inatsisitigut atuuttumut tassunga assortuuttuusussaavoq.

Nassiuatip kalaallisut nassiuunneqarnissaanik naammagittaalliorup nammineq kissaatigisaminik saqqummiussinissamut naammagittaalliuuteqartarfíup periarfissiinerata tamanna allanngortissinnaanngilaa. Isumaqarpunga naammagittaalliuuteqartarfík pisortani oqartussaasutut tassasoq aalajangiinerup nassiuatillu tassunga atasup oqaatsit suut atorlugit nassiuunneqarnissaa pillugu naliliinissamut pisussaaffeqartoq.

Taamaattumik Isumaginninnermi Naammagittaalliuuteqartarfík qinnuigaara qulaani oqaaseqaatit qanoq iliuuseqarnissamik pisariaqalersitinersut uannut nalunaarutigeqquillugu. “

Isumaginninnermi Naammagittaalliuuteqartarfík allakkani 9. oktober 2002-meersuni ima akissuteqarpoq:

„Isumaginninnermi Naammagittaalliuuteqartarfík Ombudsmandip matuma qulaani taasaanik oqaaseqarfígisassangortitanik 2002-mi maajip oktoberillu qaam-mataanni tigusaqarsimavoq.

Ombudsmandip oqaaseqaatigisai tunuliaqtaralugit Naammagittaalliuuteqartarfíup suliaq 30. august 2002-mi ataatsimiinnermi oqaloqatigiiutigisimavaa. Naammagittaalliuuteqartarfík aalajangerpoq siunissami aalajangiinerit naammassissutaa-sut kalaallisut qallunaatullu ataatsikkut naammagittaalliorumut nassiuunneqartalis-sasut. Kisiannili Naammagittaalliuuteqartarfík Naammagittaalliuuteqartarfíup Al-

laffeqarfiaq nassuaataanik naammagittaalliorumut nassiusisarunnaassasoq.“ (Atorfefarfimmi nutsigaavoq.)

Allakkatigut 15. oktober 2002-meersutigut Isumaginninnermi Naammagittaalliuuteqartarfik ima nalunaaruteqarfigaara:

„.... . Allannguutissatut eqqarsaatigineqartut immikkoortui siullit pillugit oqaase-qaatissaqanngilanga.

Allannguut taaneqartoq kingulleq eqqarsaatigalugu Naammagittaalliuuteqartarfik qinnuigaara taamatut aaqqissuussineq suliassat suliarineqartarnerat pillugu inatsimmi tunngavilersuisarneq pillugu malittarisassanut naapertuuttuunersoq nassuaaqqullugu, tak. oqaaseqaatinni oqaatigisakka, oqaatigigakkumi nassuaat taanna aala-jangiinerup imaanik naammagittaalliorup paasinnissinnaanissaanut tunngaviusoq.“

Allakkani 23. oktober 2002-meersuni Naammagittaalliuuteqartarfik ima akissuteqarpooq:

”Isumaginninnermut Naammagittaalliuuteqarfip allakkani 15. oktober 2002-meersuni Naammagittaalliuuteqartarfip matuma siuliini eqqartorneqartut pillugit allagai 9. oktober 2002-meersut akissuteqarfigai.

Aalajangiinerit naammassissutaasut naammagittaalliorumut kalaallisut qallunaatullu siunissami nassiuunneqartalerissaannik, kisiannili Naammagittaalliuuteqartarfip Allattoqarfiaq nassuaataasa naammagittaalliorumut nassiuunneqartarunnaar-nissaannik, aaqqiissutip Naammagittaalliuuteqartarfimmit aalajangerneqarsimasup suliassat suliarineqartarnerat pillugu inatsisip tunngavilersuineq pillugu maleruagassartaanut naapertuuttuuneranut nassuaateqarnissaq Ombudsmandip kissaatigaa, tak. ombudsmandip apeqqummut siornatigut oqaaserisai.

Naammagittaalliuuteqartarfip matumunngaa oqaatigissavaa, Naammagittaalliuuteqartarfip allagaani 9. oktober 2002-meersuni taaneqarsimasutut, siunissami aala-jangiinerit naammassissutaasut naammagittaalliorumut kalaallisut qallunaatullu nassiuunneqartalerumaartut. Taamaalilluni aalajangiinerit aammattaaq suliassat suliarineqartarnerat pillugu inatsisip tunngavilersuuteqarnissaq pillugu maleruagassartai eqquutitinneqartussaapput. Tusarnianermut maleruagassat maleruarneqarnissaat Naammagittaalliuuteqartarfip suliqat suliarineqarnerisa nalaanni qulakkiissavaa.”

Naammagittaalliuuteqartarfik nalunaarfigisimavara akissutitut allakkat tusaatissatut tigugikka, tamatumalu kingornagut suliammi annertunerusumik iliuuseqaaqqinnianngitsunga.